

# 種子六義

<p>一、「剎那滅」：謂體才生，無間必滅，有勝功力，方成種子。</p>	<p>此遮〔常法〕，常無轉變，不可說有能生用故。</p>
-------------------------------------	------------------------------

<p>二、「果俱有」：謂與所生現行果法，俱、現、和合，方成種子。</p>	<p>此遮〔前後，及定相離〕。現、種異類，互不相違，一身俱時，有能生用。非如種子，自類相生，前後相違，必不俱有。雖因與果，有俱不俱，而現在時，可有因用，未生已滅，無自體故。依生現果立種子名，不依引生自類名種，故但應說與果俱有。</p>
--------------------------------------	---

<p>三、「恆隨轉」：謂要長時一類相續，至究竟位，方成種子。</p>	<p>此遮〔「轉識」〕，轉易間斷，與種子法不相應故。此顯種子，自類相生。</p>
------------------------------------	--

<p>四、「性決定」：謂隨因力，生善、惡等功能決定，方成種子。</p>	<p>此遮餘部執〔異性因，生異性果，有因緣義〕。</p> <p style="text-align: center;">業 六 十 對</p>
-------------------------------------	---

<p>五、「待眾緣」：謂此要待自眾緣合，功能殊勝，方成種子。</p>	<p>此遮外道執〔自然因，不待眾緣，恆頓生果〕。或遮餘部〔緣恆非無〕。顯所待緣，非恆有性，故種於果，非恆頓生。</p>
------------------------------------	---

<p>六、「引自果」：謂於別別色、心等果，各各引生，方成種子。</p>	<p>此遮外道執〔唯一因，生一切果〕。或遮餘部執〔色、心等，互為因緣〕。</p>
-------------------------------------	--

# 所熏四義

<p>一、「堅住性」：若法，始終一類相續，能持習氣，乃是所熏。</p>	<p>此遮〔「轉識」，及聲、風等〕，性不堅住，故非所熏。</p>
<p>二、「無記性」：若法平等，無所違逆，能容習氣，乃是所熏。</p>	<p>此遮〔善、染〕；勢力強盛，無所容納故；非所熏。由此，如來第八淨識，唯帶舊種，非新受熏。</p>
<p>三、「可熏性」：若法自在，性非堅密，能受習氣，乃是所熏。</p>	<p>此遮〔心所及無爲法〕；依他、堅密故；非所熏。</p>
<p>四、「與能熏共和合性」：若與能熏同時同處，不即不離，乃是所熏。</p>	<p>此遮〔他身〕；剎那前後，無和合義故；非所熏。</p>
<p>唯「異熟識」，具此四義，可是「所熏」，非心所等。</p>	

# 能熏四義

<p>一、「有生滅」：若法非常，能有作用、生長習氣，乃是能熏。</p>	<p>此遮〔無爲〕；前後不變、無生長用，故非能熏。</p>
<p>二、「有勝用」：若有生滅，勢力增盛，能引習氣，乃是能熏。</p>	<p>此遮〔異熱心、心所等〕；勢力羸劣故；非能熏。</p>
<p>三、「有增減」：若有勝用，可增可減，攝植習氣，乃是能熏。</p>	<p>此遮〔佛果〕；圓滿善法；無增無減故；非能熏。彼若能熏，便非圓滿，前後佛果，應有勝劣。</p>
<p>四、「與所熏和合而轉」：若與所熏同時、同處、不即、不離，乃是能熏。</p>	<p>此遮〔他身〕；剎那前後，無和合義故；非能熏。</p>
<p>唯七「轉識」及彼心所，有勝勢用，而增減者，具此四義，可是「能熏」。</p>	

## 「熏習」義

如是，能熏與所熏識，俱生俱滅，「熏習」義成。  
令所熏中，種子生長，如熏苾芻勝，故名「熏習」。

能熏識等，從種生時，  
即能爲因，復熏成種，  
三法展轉，因果同時。  
如炷生焰，焰生燋炷；亦如束蘆，更互相依；

因果俱時，理不傾動。

能熏生種，種起現行，如俱有因，得土用果。  
種子前後，自類相生，如同類因，引等流果。

此二於果，是因緣性。除此餘法，皆非因緣，  
設名因緣，應知假說。

是謂略說一切種相。